



河源論

喬樾所載河四大折初一折由積石而至湟中則鄯關也是一折也及至靈  
 州西南遂轉北而行凡千餘里河北西岸即為涼沙甘肅四郡是又一折也  
 迨北流千里而遷至九原豐州又轉而東流故豐州北面正柱大河是又一  
 折也豐州之東為榆林境舊抵大河而河徙此州之東又轉而南故勝州東  
 北西皆抵大河也自此而往直至潼關皆南河矣此又一折也近河全入淮  
 一自蘭陽東南流由祀縣睢州寧陵歸德符離宿遷清河入口入乃 嘉靖  
 七年所開今盛流矣一自寧陵南入渦口經亳州蒙城懷遠荆山口入一自  
 儀封北折經黃陵崗蔡家口梁靖口出徐州小浮橋清河縣入此河之三道  
 也嗟乎今黃河古黃河也自陝西西寧山西河津所謂積石龍門合涇渭汭  
 漆沮汾沁及伊瀍澗諸名川之水與每歲六七月霖潦古今無異也何大禹  
 能安之於東北故道歷久不變而後世謀臣智士殫力運精而不能保數十  
 年也蓋禹道河自積石龍門華陰底柱孟津洛汭大邳而下灑為二渠北至  
 大陸海為九河起碣石入渤海流道既廣其勢自平且阡陌未開溝洫具在  
 中原地皆受水之地人皆治水之人河亦自尔安流今故道失溝洫懷河自  
 潼關上距宿海七八千里建瓶而下又挾六七尺之淫潦與汾沁伊洛之水  
 僅以開封大名魚臺徐沛數郡委之而盡匯於淮且諸郡瀰漫平曠無高山  
 石嶺可阻無洞窟彭蠡可蓄任性猛悍震蕩故其所也宋臣曰避高就下水  
 之本性河流故道難復當隨所向備之廣開河身以大其容多濬支流以殺  
 其勢河南山東漸開溝洫兼以持之主於安成庶有廖乎賈讓曰徒冀州之  
 民當水衝者放河入海此為上策蓋意曰放于東海得之河一注難疏其怒  
 分其半使之北流則勢殺而患平耳東海又為故道鑿之可行





海運論

海運果元始哉杜工部詩曰吳門持粟帛汎海凌蓬萊川亭川七  
開之矣但唐都關中不甚籍此道也

國家都燕當極北之地而財賦之出則自東南顧會道一河可恃以  
無虞哉萬一沙滯金龍之口河浮原武之涯則泗沂沭汶之流皆  
不足恃而青濟之間咽喉梗矣浚治不及施其巧排決不及展其  
功將何善後與况事變之來猶有未盡者此英識遠覽之士每談  
海運扼腕三嘆惜當事者之不勇於裁決也大抵海運之關利害  
四五而害止於一減運軍三萬七千餘人可以實率伍也減河船  
三千五百隻可以裕帑財也耗米率用河三之一共減一百一十  
三萬四千可以寬民力也京師有警閩廣舟師不踰月可集或用  
搗虛以規復廣寧開平之轄亦無不可又可以飭武備也其害之  
一止於漂溺耳况造舟有法占風有候泊頓有所而又求得海道  
習熟如朱清者督之則漂溺蓋寡矣觀阮史自至元二十年始至  
天曆二年止備載歷年海運所至之數刪所失者可據而知也較  
之河運所失數頗相當近聞亦有意規復矣然不利輒報罷不繼  
於因噎而廢食也